



職方典第一千一百九十六卷

荊州府部彙考十

荊州府古蹟考二

府縣志合載

公安縣

孱陵城前漢置縣於此南朝因之隋始易名公安宋末徙縣於油口遺址猶存魏奇有過孱陵詩秋風禾黍連阡陌夜雨桑麻滿故城舊日甘棠今在否月明猶聽頌歌聲蓋爲庾子真作也夫人城與舊孱陵城接相傳孫夫人居此然孫吳時王夫人亦曾居公安未知夫人誰也

呂蒙城世傳以爲孱陵舊趾或云卽今舊城也按子明在公安封孱陵侯卽卒不應有城少陵古本作呂蒙營在縣治北 古城在舊邑南十五里大光村 鷄鳴城在郝鄔北一里溝

壘俱整 先主營在油江口今板橋一帶壁壘參差溪流宛轉疑卽其故趾也 劉郎浦

在渡口宋趙抃過公安有劉郎浦詩今石首亦有劉郎渡 走馬隄相傳左將軍走馬處一

在大光村一在東西村 靈溪隋地理志公安有靈溪水按宋書武帝紀何無忌劉道規旣

至江陵與桓振戰於靈溪

龍穴在廖解村吳孫亮時有靈龍鳴卽此穴

大賢里智者

禪師生處荊州碑載禪師初欲出家母謂之曰甘旨當誰具耶師遂指茅爲穗後人神之因以

名村呼其里曰大賢里

聖母塔卽智者禪師之母在茅穗里

上明晉書江陵縣界北

名上明田土膏腴可以資業今松滋有上明城疑卽晉刺史桓沖治所非此上明也

龍牆

在縣東四里臨西河亦舊城趾也上者曰上龍牆下者曰下龍牆中有城亦曰雞鳴城遺趾甚

具地乃永安鄉或卽永鄉僑縣故壘

濯足池在石馬橋相傳洞賓濯足於此又云舊有碑

題曰回道入濯足處

孟撫莊在邑南門外忠襄舊置莊也

杜機園龔侍御仲慶園也

在石浦河東岸有光碧堂雲在亭又繫石爲山高數丈其巔可席因山爲洞曰瀟湘洞下爲池

飛瀑注於簷端有石生成花木皆名品少師申時行侍郎劉鳳皆有詩後以江漲欲移家斗隄

遂盡搬毀

白蓮莊鄒司徒文盛莊也距舊城三里內有何氏塋

少陵草堂相傳在中

隄口有亭曰杜息亭久廢子美有言數月憇息此縣考史公安在隋唐徙治孱陵草堂不應在

此而子美詩有江深風浪等語則爲油口無疑豈水國遷徙不恒耶姑闕之以俟參考

斗

湖書舍在中堤口明祭酒王恂讀書處

山館當是古郵杜少陵有公安山館詩

荷葉

山房明太史袁宗道讀書處在長安村

呂仙臺距呂仙亭半里許相傳洞賓渡女子於此

今大光村有仙女堆禱雨輒應

呂僊亭當斗湖勝處相傳呂僊曾遊此後人追而亭之地

底有杉椿旱乾時則往往見之魏奇詩霜寒遠樹千年暗月冷平湖一鏡明

憩息亭在蒿

港渡亦子美遺蹟也

空明亭何方伯珊水亭也在城西北隅周廻皆水公爲亭於上今廢

西莊草亭在板橋亦王恂別墅其自記曰西莊王氏之故廬也

小竹林王孝廉承光舊館

在斗堤之右前臨油江數十畝皆竹

觀瀾閣在油河口象鼻嘴卽舊靈均祠也前有亭俯

視廻瀾最稱勝地今岸頽遂不復存

萊公竹寇準貶雷州卒歸葬西京道出公安邑人皆

設祭哭於路折竹植地掛紙錢逾月枯竹盡生筭衆爲立祠歲時祀之

石首縣

董王臺在縣治北五十里俗傳董允與諸葛武侯駐兵於此

望夫臺在楚望山上先主入

蜀孫夫人於此望之因名至今石臺尙存高五十餘丈

繫馬臺在縣治南八十里相傳宋

岳飛討楊么時於此臺繫馬因名

調絃亭在縣東六十里相傳伯牙鼓琴於此因名又云

孫權射處下有彈子山

錦幘亭在楚望山上昔昭烈駐馬於此

繡林亭漢昭烈孫夫

人於此結繡如林因名

碓臼嶺在縣治東六十里東山之麓有異僧駐錫於此置石碓曰

容米八合每晨得米飯僧有行脚僧病其隘因鑿拓之米遂不產至今石曰尙存

土城壕

在縣治西三十里漢昭烈曾於此屯兵基趾尙存

麒麟塚在白洋鋪相傳有麒麟產此人

以爲怪撲而埋之塚自湧起如阜因名

照影橋在縣西楚望山下相傳孫夫人照影於此

八仙洞在縣西八仙山下有洞今塞外有石棋枰邑人李文熙爲亭覆之今亭猶存

劉郎

浦在縣大江北漢昭烈駐兵於此因名

插旗頭在縣北五十里相傳吳王駐兵於此插旗

因名

飲馬池在東山鹿角峯范蠡泛舟五湖嘗居此養馬鑿池飲之

落馬灣在縣東

十五里昔關公追曹操走華容偶駐於此因名

萬石灣在楚望山下萬石峭立水甚湍急

汲之煮茶其味雋永不減三峽

三峯疊秀古有三公之識

藕池霽月楊文定公故里

黃山雲雨有龍井雲井朽木樹兕牛岩諸景

石壇環秀有水繞石壇縣出狀元之識

白洋龍潭曾有白龍產麟之異

黃蓮晚收湖產蓮花其色甚黃因名

古井晴嵐有龍

湫其深莫測每遇奇旱不涸

鹿角霧雪有劉忠宣碑記

監利縣

成都王國晉割南郡之華容江陵監利豐都四縣置成都王潁國夏水自縣東北逕其故城南
華容城在府城東漢置華容縣屬南郡今縣治卽其地也

監利故城在上坊東村遺趾存

焉今曰舊縣

走馬岡在縣北南平王高季興躍馬處

伍員宅在縣西北宅中有倒插

槐員奔吳時所插

薩德彌實宅在荆臺之側謙齋有瑞竹不根而成蓋插援之竹也

濯纓臺在縣北屈原濯纓處

荆臺在縣西三十里土洲之南孔子家語楚靈王游荆臺司

馬子綦諫之卽此地

章華臺又名三休在縣東楚靈王築張文昌胡曾李羣玉韋莊皆有

詩 獻珠臺在縣東

璿臺在縣北五十二里

申家臺在西北境上或云申無字故

宅也

申包胥舊臺在北門外

天井臺在縣東六十里

松滋縣

樂鄉城有二一在松滋縣東七十里卽吳陸抗與羊祜對壘處一在巴東縣治東後周置縣

鄭城楚昭王時鄭公築

諸葛城漢孔明築

上明城晉荊州桓沖自襄陽退屯於此因

築城焉

上萊縣在縣北三里

襄河洲在縣東南九十里

程子山明道先生講學

處松人士遂廣其宇立廟於上以祀

文公山考亭先生守潭時過松滋講學於此後遂因

其舊趾建祠額曰文公講學處至今呼爲文公山

岑侯廟光武命岑彭取蜀經此駐師死

後邑人立廟祀之每禱輒應後賊盤踞亂兵拆像毀棟狂風暴起飛瓦拔木擊死甚衆

一

柱觀劉宋臨川王義慶在鎮于羅公洲立觀甚大而惟一柱撐之

飛仙觀相傳仙人所造

餘一角未完後旋補旋圯

雞鳴寺相傳仙人于平地一夜構造雞鳴而成

苦竹寺宋

黃山谷于蝦蟆碚遺筆于水至松滋尹甸止草庵中見佛爐中插一筆取視之乃前所遺者遂問老僧于何處得來僧云于井中汲水得之山谷頤然而笑命植地中著土復活筍幹森然乃苦竹也僧見奇異遂募建一寺以苦竹名其竹猗猗遍繞佛殿隙地但取植別處卽死緣是併知泉脈通蜀其水之美爲第一泉云山谷建寺後復經此前後俱有題咏

射垛崖昭烈入

蜀舟行登陸于龍角洲觀隔江懸崖挽弓戲射因名

走馬嶺昭烈入蜀走馬于此

丹

池呂祖煉丹于劍峯山留有丹池今尙存

學碑張南軒先生至松滋手題學宮碑記併書

碑石至今猶存

南極亭在縣東三十里舊名江亭唐杜甫有詩

枝江縣

白水書院在縣西三里元拔都抹溫司建今圯

庾臺在百里洲北岸六十里世傳庾亮講

經處一名講經臺又江陵縣有庾信臺

豐臺卽風臺

元道雲堂尹程德建今縣後廳

乃其舊基也

彝陵州

陸抗城在州西五里赤溪其地尙存又宜都記云今縣治陸抗代遜都督時築故不言州邑但

曰陸抗城耳

彝陵故城初在下牢溪唐貞觀中徙治步闡壘宋建炎中徙治紫陽山又徙

石鼻山紹興中復舊端平中在江南元復江北

臨江城在州南二十里魏武帝所築梁置

臨江郡及縣後周置臨州隨州郡俱廢

步騭城

步闡城二城俱在下牢溪前

陸

法和城在峽口梁命法和築

劉封城在三遊洞頂

安蜀古城在峽口陳宣帝征江陵

後周軍于峽口築壘以備陳名安蜀

宜都城在州南境吳陸遜所築晉置郡唐置縣後廢

楚西塞卽荊州虎牙山公孫述作浮橋處

楚塞樓在州治後許自誠詩雄當蜀道三千里

鬼壓荆門十二州張櫓詩巴渝東畔楚塞樓江轉荆湖第二州查籀詩浪痕自記岑彭壘岡勢

元依陸抗城寇萊公詩道路連巴蜀風烟接楚丘

爾雅臺在州治北郭璞注爾雅處後人

因祀璞以下四人于洗墨池

明月臺與爾雅臺相對亦璞遺蹟今二臺合爲一景

至

喜堂在州治東宋刺史朱贍方爲歐陽公立作記刻石

絳雪堂在楚塞樓前宋知州朱慶

基會飲紅梨花甚開命座客賦詩歐陽修聯云風輕絳雪樽前舞日暖繁香雪下開因名其堂

曰絳雪

四賢堂在州治東祀宋歐陽修蘇軾蘇轍黃庭堅

六一堂在州治南六一居

士歐陽修建有碑記今移州學

至喜亭在州南宋守朱慶基建歐陽修記

湖上亭在

峽州杜詩秋日寄鄭監有此亭

來豐亭在楚塞樓後朱慶基在州多惠政時和年豐建亭

以彰其美

墨池書屋在城東隅晉郭璞宋蘇軾洗筆墨處

孝子甘泉漢姜詩遺跡

武侯遺筆書忠孝廉節四字

月峽仙蹤上書月峽張仙到此

黃金藏州故有寶軸祕

函藏崖竇中宋陳膺得遺書之一乃古易傳與今文絕異

督郵石水經注載宜都建平二

郡有倚石如二人攘臂相對傳二郡督郵立界于此宜都卽今彝陵也其二石尙在峽口舟行見之

長陽縣

睦州城在縣治東隋開皇中置尋廢

廩君土舟在府城西南境竇字記彝水自施州開蠻

界流入西巴蠻有巴樊譚相鄭五姓未有君長各乘土舟約浮者奉以爲君惟巴務相獨浮因共立之是爲廩君務相乃乘土舟從彝水下及彝城因立城其旁而屋之今水名清江在長陽縣藏書洞宋郭雍藏書于此聚雲洞三際和尚曾于此飛昇仙人室在龍角山

東北室可容數百人相傳昔有仙人憩此村民因採蜜見之俄頃遂失所在

宜都縣

彝道城漢置縣屬南宜都郡隋屬峽州唐廢酈道元謂宜都郡治在彝道縣東四百步吳丞相

陸遜所築宜都記云按陸遜所築爲宜都故城則彝道又自爲一城矣

鼓城在虎腦背濱

江相傳張翼德舊蹟又傳磬寺後有鼓臺傳爲陸遜鑿藏軍于河南岸築臺于此搗鼓

江

關集覽云荆門與虎牙二山之間名曰江關

穿孔石在縣西南十五里有巖橫亘平衍可

通輿馬其下如屋可避暑

仙女洞在石陽山下俗傳鄉民祝氏一日見九仙女從天而降

遊于洞內縣令陶師文題曰仙娥方洞

龍窩在縣東十五里大江右岸其深莫測相傳曾

有龍潛其中故名爲宜都一景

湖里淵水經注宜都縣北有湖里淵淵上橋樑蔽天桑麻

園日西眺俱山諸峯層巒疊秀青翠相臨時有丹霞白雲游曳其上

仙井在宋山上泓深

清澈宋時有宋氏女梳洗于其旁端坐而化時人以爲登仙故名遇旱禱輒應

滾鐘坡在

縣東十五里相傳金鐘寺忽一日寺鐘滾出挽拽不勝經此坡入江下流而去不知所止至今

有蹟

仙人橋在十二碛絕頂有石橫跨兩壁如橋梁然疑出神工鬼斧又有石低垂長約

丈餘如象鼻

北山書院在白羊元書院山長文璋讀書處

吳相臺在縣南三里吳赤

烏七年以陸遜爲丞相屯兵拒蜀因建此臺

將軍臺在縣北五里沙窩村方圓十餘丈亦

陸遜所建

獠亭按獠亭卽興善坊俗稱虎腦背

合江亭在縣北濱江元大德四年譚

文德登覽江表二水合流因建此亭歲久圯廢嘉靖間知縣陶師文重建

止渴亭在邑南

十五里有嶺頗高石谷間清泉流出味甘昔人於巖畔鑿竅盛水以便行人今亭廢

望堂

酈道元言犵道城東北有望堂地特峻下臨清江亦遊獵之名處也

一覽樓在縣廨後元

大德四年譚文德建後圯嘉靖間知縣陶師文重建

射堂龜礎述異記宜都七里溪有吳

王夫差射堂柱礎背如伏龜按七里溪不知何在且夫差射堂亦不得在宜都姑存之以備叅

考

楚宮舊礫異物志記宜都犵道縣有楚宮舊礫在焉宜都一記曰楚宮今無考按唐人

陳伯玉憶昔楚襄王朝雲無處所杜少陵云最是楚宮俱泯滅舟人指點至今疑則宜都楚宮

爲襄王之宮矣但伯玉少陵所咏在今峽中異物志言在犵道縣則今清江之上也未知孰是

近有人於宋山田間耕見六方石礫一枚材既細潤製復工巧豈卽楚宮舊物耶然不可知矣

晴雪山帶在縣西每天霧有嵐氣若匹練橫帶其上唐韓君平詩風吹山帶遙知雨卽指此

晚吹江帆在縣東北大江中舟入三巴者風裏張帆迅如奔馬

碧水迴瀾在縣西每春漲

水色紺碧漩流一里灌入龍勝溪瀦洞而出

蒼巒積雪在縣西鯉魚山諸峯上隆冬積雪

至春仲猶未盡消遠望渾如殘粉

平湖牧笛在縣西有西坪俗呼西湖

遠浦漁燈在

縣北洲渚多泊漁舟至晚隔岸漁燈乍明乍滅水鄉佳境也

斷岸垂虹在西門外有太平

三義橋二橋橫跨斷岸如垂虹然

懸巖飛燕在縣西半里清江右岸皆絕壁有巖特出江

濱名燕子巖元人司馬頭陀留記云燕飛鼈走居民富清江嘴長狀元出

銀屏洗雨在縣

南十里土地嶺橫嶺於前如屏然雨後麗色可觀

玉鏡涵天在縣後大江水漲時團環如

鏡天光雲影盡徘徊於中

達安縣

舊縣在東莊坪離新城十里廟祠公署民舍盡燬

古舊縣在縣治北二十五里亭子山下

今城隍猶存民舍僅存什一縣地分給居民辦納學租

南襄城在縣治九十里漢將軍關

羽屯兵之地去南襄堡半里許置預備倉於內今廢

臨沮廢城漢邑名在南漳縣界

高安故城晉邑名在亭子山高處後周遷於山下以其近徭而達置之故名達安

石馬槽

在縣東三十里漢將軍關羽屯兵於此鑿爲槽故名

大漢口

小漢口在縣北三十里

高巖絕壁下有小逕通荊州相傳雲長屯兵於此以拒曹操

白馬祠在古舊縣一里白馬

山下俗傳昔有白馬遇夜竊食田間禾苗人莫能禁久之或見馬往西山因立廟祀之自是怪

不復作

賈尙書廢宅在縣境內

歸州

丹陽城在州東七里北枕大江卽屈沱楚王城也夏啟封孟涂於丹陽城元和志周成王封熊
繹於荊卽丹陽地卽此 夔子城在州東二十里春秋夔子之國水經江水東逕夔城南注

云熊摯始治巫城後移此城宋王十朋詩身乘輦輅思熊繹詞誦離騷弔屈原城邑舊爲夔子
國人民多是楚王孫 高陽城在州境舊興山縣西楚自以爲高陽之裔故有此名 秭

歸城凡數遷今在江之東岸城背山面江水劃兩岸而流

劉備城在州後漢昭烈征吳連

營七百里至秭歸此城皆當時所築云

昭君村在州東北四十里昭君名嬀此卽其住處

三閭鄉在州東八十里

屈原沱在州東五十里

夔沱周成王封熊繹於此地卽夔子

國 歸鄉沱卽屈原浮尸處

羅沱去州六十里按歐陽公硯譜云大沱石斑斑有文其

色青紫可作硯亦頗發墨

響鼓沱近屈原宅澗水與石相激其聲如鼓

女嬰砧在三

閭鄉

風洞在州西六十里深崖懸壁相傳四時有風三洞相連

火洞熱氣如焚草木

不生

冰洞夏月有冰土人往取之不言則見

水洞在州北七十里水從洞出其內深

遠土人避兵於此

蓮花洞在州南五十里洞內有石宛如蓮花

濯纓泉在州東南十

里內有神蛇人汚其水卽見

洗面井昭君曾於此洗面

楚王井在舊州內山巔楚襄

王造

清林井在州南九十里有鹹水相傳前代煎鹽國妃病目照之今水猶鹹常有清斑

鳥飛來飲之

玉米田在三閭鄉產米白如玉

插竈在江之左岸壁立數百丈飛鳥所

不能棲中有一火爐插在崖間望見可長數尺父老傳言昔洪水時行者泊舟崖側以餘爐插

之崖至今猶存故相承謂之插竈

米倉口在江之濱兵書峽內夏水漲則無蹟水落時其

中必聚有沙土人視之以占歲之豐歉沙盈則豐沙少則半收若無其年必歉因名米倉口

洗馬池在舊州得勝門外一里相傳楚襄王洗馬之所

烏龍池在州南五十里相傳一日

雲雨大作見龍騰空而去

唐王殿在州西六十里明萬曆間土人白福耕地得金盞金甲

金人金豆箭鏃之類

對罵場與唐王殿相對咫尺皆昔之戰場也

屈原宅在州東北

六十里舊有原姊女嬃廟有擣衣石尙存唐杜甫詩若道士無英俊才何得此有屈原宅

宋玉宅在州舊治東五里今有舊蹟唐杜甫有詩

望高樓在州治南

清風閣宋晏殊

類要在州戟門東南五里

鍊棺在州白狗峽其地亦名鍊棺峽唐將軍王果爲雅州刺

史舟經三峽望見懸崖間有物似棺令人視之果棺也骸骨存焉旁有石志云三百年後水漂

我將及長江垂欲墮欲墮不墮進王果果視之愴然因爲殮祭而去

烏牛石在州前江之

中與白馬石相對有記云白馬對烏牛江水兩邊流有人識得透富過十三州

白馬石與

烏牛石相對

牛肝馬肺在州東四十里大江峭壁間懸石如肝肺

鎖江鐵練在兵書

峽上有鐵索鎖江隱而不見見則不祥

楚臺暮雨相傳每夜暮則有微雨濛濛

牛角

朝雲此山有雲則雨

鷄籠返照日落後獨此山有日返照

同氣連枝相傳有一節婦

遺其姓名與夫偕行遇賊殺夫欲奪之婦誘賊埋夫以賊刀自殺賊義而埋之兩塚生兩樹根

異而枝連至今傳爲同氣連枝

野渡橫舟水落時不用槳楫舟橫自渡

月下波濤在

迷月崖下每月照臨所不及者惟八月中秋水底有月無風鼓浪有聲

九龍戲珠在州城

外有一烏石居江之中其狀如珠崖有九石條修長若龍形皆拱向焉故名之

玉虛三洞

在香港二里內一層有一大洞名玉虛上一層有二小洞名青蓮水簾常有行客遊觀於此

興山縣

孔子樓在縣東七十里相傳宣聖曾至此兩山排闥一水紆迴後枕高岡前俯平阜後人建樓於此山之麓野史因宣聖游此其地無毒蛇 昭君臺在縣山南之陽原建有昭君祠今廢

三東舊傳之由失考

六陽卽建陽南陽夏陽中陽紫陽當陽

巴東縣

信陵城在縣治西十五里梁爲樂鄉縣置信陵郡於此

樂鄉城

羅平城

雙城

新化城

土城

東路亭在三岳坡萬曆三十一年建

西路亭在東瀝渡口

相

公泉亭在壽寧寺東泉從石隙中出味極甘冽四時不竭居民賴之呼爲凉水井正德間知縣